

Эрдни-шишә тәрлгъиг чанъгъахмн

Сарпинск района колхозмудар болн совхозмудар эрдни-шишә тәрлгън ѓргәр делгрдж йовна. Эя джилд районд 23 минъгън 600 гар гектар агъуд эрдни-шишә тәргдхмн. Эрдни-шишә нургьлдж зябь газрар тәргдхмн. Района цуг колхозмудар болн совхозмудар газр самлдж чиг бәрлгън эргәр тѓгслә. Ода газриг семлдж тәрх тәрлгънд белдлгън тѓгсджәнә.

Района эдл-ахусар эрдни-шишә тәрдж ургъалгъна 112 звено бурдәгдв, эднәс 57 механизированн звенос. Хойр ѓдрин эргцд 600 гар гектар газрин агъуд эрдни-шишә тәргдв. Районд турун болдж „Путь Ленина“ колхоз болн Чапаевин нертә совхозин фермст эрдни-шишә тәрлгъән эклв. Эдн тус-тустан 300 гар гектар газрин агъуд эрдни-шишә тәрчкв. Тәрән термлдж тәрлгънә эвәр кегдджәнә.

„Путь к коммунизму“ болн „Гигант“ колхозмуд газр семлдж белдлгъән тѓгсгәд, эрдни-шишә тәрлгъән бас эклджәнә.

2-ч номертә совхозин 5-ч фермд (толгъачнь ур Манджиев) эрдни-шишә тәрдж ургъалгъна М. Поляковин болн А. Поляковин звенос эрдни-шишә тәрлгъән бурдәнъгъу сәәнәр эклв. Эдн 50-д гектар газрт эрдни-шишә тәрчкв. Ур Еремеев толгъалджах 2-ч фермд эрдни-шишә тәрдж ургъалгъна Санджиевин болн Мис-таховин звенос тәрлгънә турун ѓдрмудәс авн кѓдлмшин улгур узулдж йовна. Эдн агротехническ сән чинртәгъәр 100-н гектар газрт эрдни-шишә тәрчкв. Совхозд ут-турштан 2500 гектар газрин агъуд эрдни-шишә тәргдхмн.

А. ЛАПИЦ.